

# ▶ AKTIVIZAM, ANGAŽMAN I ODGOVORNA RJEŠENJA MAKERS

Opšti cilj projekta je poboljšati socijalnu koheziju među različitim grupama u partnerskim jedinicama lokalne demokratije, unapređenjem učešća javnosti u procesima donošenja odluka, podržavanjem aktivizma u zajednici i osposobljavanjem mladih za liderstvo u svojim zajednicama.

## O MAKERS-u U PARTNERSKIM JEDINICAMA LOKALNE SAMOUPRAVE:

Projekat je fokusiran na osnaživanje građana i građanki da aktivno učestvuju u procesima donošenja odluka te generalno na jačanje šireg građanskog aktivizma i prepoznavanje omladinskih lidera spremnih da zajednički rade na definisanju prioriteta i provođenju prepoznatih inicijativa.



Provodi: Razvojni program Ujedinjenih nacija (UNDP)




Budžet:  
580.000,00 USD  
(uključujući UNDP finansiranje)




Početak projekta:  
Mart  
2020. godine

Završetak projekta:  
Mart  
2023. godine



Ciljne grupe:  
15 partnerskih jedinica lokalne samouprave i organizacije civilnog društva (OCD)



## PARTNERSKE JLS:

1. Brčko distrikt
2. Bugojno
3. Centar Sarajevo
4. Doboš
5. Doboš Istok
6. Istočno Novo Sarajevo
7. Jezero
8. Kiseljak
9. Trnovo FBiH
10. Trnovo RS
11. Mostar
12. Novo Sarajevo
13. Novi Travnik
14. Travnik
15. Trebinje
16. Bihać
17. Prijedor
18. Goražde
19. Gacko
20. Grad Istočno Sarajevo

Konkretno, Projekat MAKERS radi na jačanju i institucionalizaciji dijaloga i uspostavi lokalnih dijaloških platformi kao funkcionalnog i održivog konsultativnog mehanizma za građane. To će biti urađeno kroz mentorstvo lokalnog stanovništva i osnaživanje mladih aktivista da zajedno sa općinskim/opštinskim/gradskim osobljem učestvuju u procesima donošenja odluka i prepoznaju prednosti inkluzivnog i participativnog odlučivanja. Projekat će finansijski podržati najmanje osam (8) inicijativa koje su prepoznate na lokalnim dijaloškim platformama, a koje će provoditi lokalne OCD. Projekat će sagledati zajedničke trendove među prioritetima identifikovanim na lokalnim dijaloškim platformama i poticati na uspostavljanje međuopštinskog/međuopćinskog dijaloga i saradnje kako bi se ojačala međuinstitucionalna saradnja u zajednici. Dosadašnja iskustva pokazuju da se lokalne zajednice suočavaju sa istim izazovima: nedostatak proaktivne omladine, nizak nivo građanskog aktivizma, nedovoljno dobar kvalitet obrazovanja, odsustvo kontakta među učenicima različitih nacionalnosti, diskriminacija ranjivih grupa, te ekološki izazovi koji prelaze administrativne granice. Tamo gdje se identifikuju zajednički i slični izazovi/prioriteti, Projekat će raditi sa partnerskim jedinicama lokalne samouprave na uspostavljanju međuopštinskih/međuopćinskih dijaloških platformi u cilju povezivanja, uspostavljanja saradnje, te zajedničkog rješavanja identifikovanih izazova i prioriteta.

Projekat će se fokusirati na mlade kao dio svog pristupa oživljavanju volonterizma i aktivnijeg učešća u zajednici. Ciljna skupina su mladi ljudi koji su već članovi lokalnih dijaloških platformi, organizacija civilnog društva, ali i neformalnih udruženja.

### **FOKUS MAKERS PROJEKTA U PARTNERSKIM JEDINICAMA LOKALNE SAMOUPRAVE:**

- Unapređenje praksi jedinica lokalne samouprave za inkluzivni dijalog u zajednici,
- Jačanje društvenog aktivizma, posebno među mladima,
- Promoviranje zajedničkog djelovanja među zajednicama i građanima i građankama na zajedničkim prioritetima.

### **OČEKIVANI REZULTATI MAKERS PROJEKTA:**

U okviru predviđenih aktivnosti projekat će se fokusirati na postizanje krajnjih rezultata:

- Uspostavljene lokalne dijaloške platforme kao prostor za dijalog i prepoznavanje prioriteta za djelovanje u zajednici,
- Općinsko/opštinsko/gradsko osoblje je unaprijedilo kapacitete za vođenje i upravljanje lokalnim dijaloškim platformama,
- Jedinice lokalne samouprave samostalno organiziraju sastanke lokalne dijaloške platforme,
- Mladi su unaprijedili vještine u smislu kritičkog razmišljanja, liderstva i zagovaranja, crowdfunding i digitalnih rješenja za borbu protiv govora mržnje na društvenim mrežama,
- Uspostavljene mreže vršnjačkog učenja mladih o medijaciji i dijalogu,
- Finansijska podrška lokalnim OCD da implementiraju projekte, sufinansirane od strane jedinica lokalne samouprave,
- Održavanje zajedničkih platformi međuopštinskog dijaloga.



#### **MAKERS kontakt**

**Samir Omerefendić, Regionalni programski menadžer  
Portfolio menadžer za inkluzivno društvo i društveni ugovor**  
e-mail: samir.omerefendic@undp.org

**Selma Osmanagić Agović, v.d projektna menadžerica**  
e-mail: selma.osmanagic-agovic@undp.org